

2 Tesalonicenses

Pablo ojoa ohoahye Jesu yequinare Tesalónica cjénare

1 ¹Yũhũ Pablo, Silvano, Timoteo gũhũ mũsare quehnoa dutiaja. Sa yegũ yũhũ Pablo ahrire ojoa ohoaja. Mũsa pehe Tesalónica cjãna mari Pacũ Cohãcjũ yequina ijire. Mari pũhtoro Jesucristo yequina gũhũ ijire mũsa. ²Sa yena Cohãcjũ mari Pacũ, mari pũhtoro Jesucristo mehna mũsare quehnoa dutiaja. Tiquina yedohoye mehna quehnoano ijiya mũsa.

Ahri yehpapũre Cristo tojoa tagũ buhiri dahrerota Cohãcjũ

³Cohãcjũre sinina, Jesure mũsa wacũ tutuayere wacũna “Quehnoa yũhdũare ũsãre”, niducuaja ũsã Cohãcjũre. ũsã sa nigũ quehnoarĩne. Decoripe Cohãcjũre mũsa quehnoano wacũ tutua nemona niũohti. Sa yena decoripe mũsa mehna cjénare cahĩ nemona niũohti mũsa. Sa ye Cohãcjũre “Quehnoa yũhdũare ũsãre”, ũsã ñigũ quehnoarĩne. ⁴Apequina mũsare ñano tiquina yepegũta Jesure wacũ tutuaducũohti mũsa yojopũ gũhũre. Sa yena tiquirore wacũna duhueraũohti. Mũsa sa yegũ ihũana tire mũsa yerire apequinare Cohãcjũ yequinare bucueye mehna yahuaja ũsã. ⁵Sa wacũ tutuaducuna Cohãcjũ mari pũhtoro yequina mũsa ijiri buhiri ñano yũhdũana niũohti mũsa. Sa yero Cohãcjũ tiquiro pũhtoro ijirorpũre waha dutiri jiri mũsare. Tiquiro sa dutigũ queoro yeriquiro tiquiro ijigũ masiaja mari.

⁶Sa yero Cohãcjũ queoro yeriquiro ijire. Sa yero mũsare ñano yũhdũgũ yeyequina pehere ñano yũhdũgũ yerota tiquiro. ⁷Sa yero mari ñano yũhdũrina ijigũ ihũano tiquiro marine quehnoano ijigũ yerota. Mari pũhtoro Jesu tiquiro yequina angele tutuayequina mehna, peca mehna ũhmũsepu bajuaro quehnoano ijigũ yerota marine, ñano yũhdũrinare. ⁸Sa yero Cohãcjũre masieñequinare, mari pũhtoro Jesu ye buheyere quehnoañe buheyere yũhdũdũcariquinare Cohãcjũ buhiri dahrerota. ⁹Sa yero Cohãcjũ tiquinare ohõ saha buhiri dahrerota: Pecapũ tiquina ñano yũhdũducueta. Sa ye tiquina tutuariquiro mari pũhtoro Jesu cahapũ ne waha masiedare. Sa ye tutua yũhdũariquiro tiquiro ijiyere ihũasi tiquina. ¹⁰Sata waharota ti decopũ Jesu tiquiro tojoa tagũ. Ti decopũta tiquiro ahtarota tiquiro yequina “Quehnoariquiro, tutuariquiro ijire Jesu”, tiquina ni

ño peoatire. Sa ye tiqirore wacū tutuayequina ño peoeta tiqirore. Mūsare usā buherire mūsa quehnoano tūhori. Sa yena mūsa pehe tiqiro mehna ijinata.

¹¹ Sa yena Cohācjūre sa sini basaducujaja usā mūsa ye ijiatire. Ohō saha ni Cohācjūre sini basaja usā: Tiquiro cahmeno sahata mūsa yeatire, mūsa mehna tiqiro bucueatire sini basaducujaja usā mūsare. Mūsa quehnoana iji duanata niñohti. Sa yena Cohācjū tutuaye mehna quehnoana mūsa iji duariro sahata mūsa ijiatire sini basaducujaja usā. Mūsa Cohācjūre wacū tutuañohti. Sa wacū tutuana tiqiro yere yeñohti mūsa. Tire mūsa quehnoano ye nemoatire Cohācjūre sini basaducujaja usā mūsare. ¹² Sa yena mari pūhtoro Jesucristore apequinare tiquina ño peogū yenata mūsa. Mūsa sa yegū Jesucristo yequina mūsa ijigū ihñañe apequina ño peoeta mūsare. Cohācjū cahñe mehna, mari pūhtoro Jesucristo gūhū tiqiro cahñe mehna sa waharota.

Ñano yeducuriqirore yahuahye Pablo

2 ¹ Yojoḡḡe mari pūhtoro Jesucristo ahri yehpapḡe tiqiro tojoa tatire, tiqirore mari cahmecoa mari piti catire yahu nemo duaja yūhū. Ahrire tutuaro yahu duaja mūsare, usā acaye. ² Apequina mūsare ohō saha niboaga: “Mari pūhtoro tiqiro tojoa tati deco, mianogā pihitiri decopḡ ijiro nine”, ni mehoboaga mūsare. Tiquina sa nigū tūhona, tūho mariedacāhña. Sa yena tūho wisieracāhña. “Cohācjū yūhūre sata nidi ijiri”, ni mehoboaga mūsare apeqiro. Apeqiro gūhū mūsare buhero, sata ni mehoboaga. Apeqiro gūhū sata ni ojoa ohoboaga, “Yūhū Pablota ijiaja”, ni meho ojoaro. Tire mūsare yahuriqirore masiedaja yūhū. ³ Apequina mūsare tiquina ni mehogū tūhoeracāhña mūsa. Ti decopḡ ahri yehpa pihtiato panogā peyequina masa Cohācjūre duhueta. Sa yero ti decopḡ ñano yeducuriqiro pecapḡ wahatiqiro ijirota. ⁴ Tiquiro Cohācjū warore, “Cohācjū ijire”, tiquina niñe queoye gūhūre ijipihityequina masare ño peo dutisi ñano yeducuriqiro. Tiquiro ohō saha ni tūhoturota. “Ahriquina ijipihityequina pūhto tjaja yūhū”, ni tūhoturota. Sa yero Cohācjū wūhḡḡḡ dujiri “Yūhū pehe Cohācjū ijiaja”, ninota.

⁵ Mūsa mehna ijinigū tireta yahuu mūsare. ¿Tire wacūajari mūsa? ⁶ Yojoḡḡe apeqiro pehe ñano yeducuriqirore ne iji dutieranine. Sa yena tiqirore iji dutieriqirore masine mūsa. Sa yero tiqiro dutigū tiqiro queori deco ijigū ñano yeducuriqiro ijirota. ⁷ Yojoḡḡe masa ihñenopḡ tiqiro yero saha apequina ñañene ye tuhasari. Tiquina sa yepegūta ñañene ye dutieriqiro tiqiro wahato pano ñano yeducuriqiro pehe ijisi. ⁸ Tiquiro wahari bato pūritare ñano yeducuriqirota ijirota. Sa yero came mari pūhtoro Jesucristo tiqirore yaria dutirota. Tiquiro asi siteye mehna ahri yehpapḡ tojoa taro, tiqiro putiye mehna tiqirore wejē borota. ⁹ Ñano yeducuriqiro pehe watino ye tutuaye mehna ahtarō, ti tutuaye mehna ni meho, peye ye ihñonota. ¹⁰ Tiquiro peye ñañe mehna ni mehogū pecapḡ wahatiquina pehe tiqirore tūhoeta. Tiquina pehe quehnoañe buheyere cahmedare. Tiquina sa cahmedagū Cohācjū tiquinare pecapḡ wahatiquinare yūhḡḡḡosi. Sa ye tiquina ñano yeducuriqiro ni

mehoriquiro tiquiro yerire “Ijirota ijire”, nieta. ¹¹Sa yero, quehnoañe buheyere tiquina cahmedari buhiri Cohãcjũ tiquinare wisiagũ yerota. Sa wisiaye ni mehoñene cahmeeta tiquina. ¹²Sa yero ijipihtyequina quehnoañe buheyere tũho dueyequinare, ñaÑe ye coayequinare tiquirota buhiri dahrerota.

**“Cohãcjũ musare beseahye tiquiro yequina
ijigũ yero taro”, ni yahuahye Pablo**

¹³Musa usã acaye, mari pũhtoro Jesu tiquiro cahñona ijire musa. Duita coã waropũreta musare pecapũ wahaborinare tiquiro yũhdũoatınare Cohãcjũ beseahye musare. Musare beseahye Espĩritu Santo tutuaye mehna tiquiro yequina ñaÑe mariena musare ijigũ yero taro. Sa yero quehnoañe buheyere “Ijirota ijire”, nianaja musa ijigũ ihñano musare bese neahye. Tiquiro sa besenohrina musa ijigũ ihñana Cohãcjũre bucuenta, “Quehnoare”, niducaja usã. ¹⁴Quehnoañe buheyere musare usã buhegũ Cohãcjũ musare beseahye mari pũhtoro Jesucristo tiquiro masa mũjariro sahata musa gũhu masa mũjatire.

¹⁵Sa yena quehnoano wacũ tutuana ijiya musa. Sa yena usã yahuducuye mehna usã ojoari pũri mehna musare usã buherire quehnoano wacũña musa. Sa yena ti buheyere yũhdũucaeracãhña. ¹⁶Mari pũhtoro Jesucristo tiquiro basi, Cohãcjũ mari Pacũ gũhu marine cahĩÑe, ijipihtye decori marine bucuegũ yere. Marine cahĩÑe, marine pecapũ wahaborinare yũhdũoeta. Sa yena Cohãcjũ tiquiro yũhdũoatire quehnoano masina, bucueja mari. ¹⁷Jesucristo, mari Pacũ mehna musare quehnoa dutiaja quehnoano musa bucueatire. Sa ye ijipihtiyere quehnoañene musa yeatire, musa quehnoano yahuducuatire Cohãcjũre musare sini basaja.

“Usã ye ijiatire Cohãcjũre sini basaya”, ni ojoahye Pablo gũhu

3 ¹Yojobũ usã acaye, usã ye ijiatire Cohãcjũre sini basaya mari pũhtoro Jesu ye buheyere peyequina masare usã buheatire. Sa yena tiquiro ye buheyere musa quehnoano cahmediro sahata apequina pehe ti buheyere ño peoye mehna tiquina cahmeatire sini basaya musa Cohãcjũre. ²Ihquẽquinata Jesure wacũ tutuare. Apequina pehe tiquiro yere tũho dueraye, Jesure wacũ tutuerare. Sa yena ñaÑequina masa usãre tiquina ñano ye duagũ Cohãcjũre sini basaya musa usãre tiquiro yedohogũ. ³Mari pũhtoro Jesu tiquiro nidiro sahata yeriquiro ijire. Sa yero musare tiquirore wacũ tutuagũ yerota. Sa yero watĩno musare tiquiro ñano ye dutigũ Jesu musare yedohorota. ⁴Cohãcjũ musare tiquiro yedohorire masiaja usã. Sa yena musare usã dutiro sahata musa yegũ gũhure masiaja usã. Sa yena sata yeducunata musa. Ti gũhure masiaja usã. ⁵Cohãcjũ musare tiquiro cahĩÑene musare masigũ yeahro. Sa yero Cristo yero saha musa ñano yũhdũepegũta ihcãno saha gũ yeahro musare mari pũhtoro. Sa ihña cãhña musare ñano yeyequinare.

Marine tutuaro dahraro cahmene

⁶Jesucristo mari pũhtoro tiquiro dutiro mehna ohõ saha ni dutinatja musare: Jesu yequinare dahra dueyequinare, usã dutiyere yeeyequinare, tiquinare piti ti duhuya. ⁷Sohõ ijiri pje musa mehna usã ijigũ tutuaro usã dahragũ ihñari musa. Sa yena usã yeriro saha musa gũhure dahraro cahmene. Tire quehnoano masine musa. ⁸Sa yena musa ihyayere wapa yero marieno ihyeru usã. Sa yena decopure, ñamipũ gũhure tutuaro dahraũ usã “Musa ihyayere siniari”, nina. ⁹Usã buheri wapa musare wapa ye dutiboaga usã. Sa wapa ye dutiborina ijiepenata wapa ye dutierana, tutuaro dahraũ usã, usãre musa ihña cütatire. ¹⁰⁻¹¹Musa mehna ijina, ohõ saha ni buhei musare: “Dahraeyequina ihyeracãhdo”, ni buhei usã musare. Ihuẽquina musa mehna cjẽna ne dahra duerañohi. Sa ye ayequinare ñano quiti yeye, caribo yũhdũañohi tiquina. Sa yeeyequina musa mehna tiquina ijigũ ihñana ohõ saha ni ojoaja musare: “Dahraeyequina ihyeracãhdo”, niaja usã. ¹²Mari pũhtoro Jesucristo tiquiro dutiro mehna dahra dueyequinare ohõ saha niaja: Quehnoano bucueye mehna dahraahro quehnoano tiquina ijiatire.

¹³Usã acaye, musa pehe quehnoañene yeducuna caributieracãhña. ¹⁴Ihuẽquina to cjẽna ahrire usã ojoarire yũhdũdũcaboaga. Tiquina sa yegũ tiquina yerire quehnoano ihñaña. Sa ihñana tiquinare piti ti duhuya tiquina bũoro wahatire. ¹⁵Sa piti ti duhuepenata tiquinare ihña tuhtieracãhña. Tiquina musa acaye, Jesu yequinata ijire. Tiquina sa ijigũ tiquina yũhdũdũcarire yahuya tiquinare tire tiquina duhugũ.

Pablo tiquinare quehnoa duti bato tiahye

¹⁶Mari pũhtoro Jesu marine quehnoano ijigũ yeriquiro mehna decoripe quehnoano ijiducuya musa. Sa yegũ “Mari pũhtoro musa mehna ijipihtina mehna ijiducuahro”, nigũ musare quehnoa dutiaja.

¹⁷Yũhũ Pablo, yũhũ omoca mehnata yojopure yũhũ basita oja bato tiaja. Sa yegũ musare quehnoa dutiaja. Ijipihtiyẽ yũhũ ojoari pũrine ohõ saha dihita yũhũ omoca mehna oja bato tiaja yũhũ. Yũhũ ohõ saha dihita yũhũ oja bato tigũ ihñana yũhũ ojoari pũ ijigũ masinata musa. ¹⁸Mari pũhtoro Jesucristo cahñe mehna tutuaro quehnoa dutiaja musare ijipihtinare.